

კ. კეკელიძე

ქართული ქალები შაჰ-აბაზ პირველის კარზე¹

დიდი უბედურება დაატყდა თავს ქართლ-კახეთს შაჰ-აბაზ პირველის დროს. ამ სისხლისმსმელმა ჯალათმა ბევრი ქართველი იმსხვერპლა სხვადასხვა დროს ონში, კახეთის თითქმის მთელი გლეხოზა გარეკა სპარსეთში და იქ უდაბურ ადგილებში დაასახლა; დეოდალური არისტოკრატის მრავალი წარმომადგენელი ჯარსა და ადმინისტრაციაში მოხელეებად და მოსამსახურეებად გაიხადა. მისი ვერაგობისა და სისასტიკის მსხვერპლნი გახდნენ არა მარტო მამაკაცები, არამედ ქალებიც. როდესაც ამას ვამბობ. მხედველობაში არ მყავს არც დედა თეიმურაზისა, ქეთევან დედოფალი. რომელმაც 1624 წელს ორჯერ გამოუთქმელ ტანჯვაში დაასრულა თავისი სიცოცხლე სპარსეთში, არც ზურაბ ერისთვის ცოლი. რომელიც. მისი ქმრისა და გიორგი სააკაძის მიერ წამოწყებულ, ეროვნულ-განმათავისუფლებელ მოძრაობას შეეწირა იქვე მსხვერპლად, არც ქეთევანის საყვარელი მოახლე თინათინ წიბა, რომელიც, ქეთევანის მოწამებრივი სიკვდილის შემდეგ, სპარსეთში ცოლად შეურთავს ცნობილ ევროპელ მოგზაურს პეტრე დელა ვალეს და მხოლოდ ამ გზით განთავისუფლებულა ტყვეობიდან. მე მხედველობაში მყავს ის ქალები მეფე-დიდებულთა ოჯახებიდან, რომელნიც იგზავნებოდნენ შაჰის კარზე, როგორც მეუღლენი და თანამეცხედრენი მრისხანე ტირანისა, ან იძულებით, ან ნებაყოფლობით, უკანასკნელ შემთხვევაში იმ ანგარიშით, რომ დასიძების გზით დეცილებინათ და ასე თუ ისე შეერბილებინათ გულისწყრომა და რისხვა ამ ჯალათისა. საბოლოოდ ამ ქალებსაც სამშობლოსათვის განწირულთა როდში ვხედავთ. რამდენი მწარე ცრემლი დაუღვრიათ მათ, სამშობლოსა და მშობლიურ მხარეს გამორებულთ! რამდენი დამცირება, შეურაცხყოფა და გულისტკივილი განუცდიათ მათ უცხო ქვეყანაში! ეს ქალები ღირსნი არიან იმისა, რომ მათი სახელიც მოხსენებულ იქნეს იმ პირთა შორის, რომელნიც სამშობლოს სამსხვერპლოზე იწვოდნენ ქვეყნის ავბედობის დროს.

პირველწყაროების მიხედვით², რომელნიც ხშირად ბუნდოვანსა და ერობიერის საწინააღმდეგო ცნობებს შეიცავენ, შაჰ-აბაზ პირველს ცოლად ჰყოლია რამდენიმე ქართველი ქალი; მათი ვინაობა და თავდასასვალი ჯერ

¹ წაკითხულია მოხსენებად სტალინის სახელობის თბ. სახ. უნივერსიტეტის სამეცნიერო კრებაზე 1948 წლის ივნისში.

² სიამათი მოცემულია ამ ნარკვევის ბოლოში.

კიდევ გაურკვეველი და საძიებელია. ამ ხაზით კვლევა-ძიება კი საჭირო და აუცილებელია როგორც წმიდა ისტორიული, ისე ლიტერატურული თვალსაზრისით: ამ ქალებს იხსენიებენ არა მარტო საისტორიო, არამედ ლიტერატურული ძეგლებიც: საისტორიო პოემები და აგიოგრაფიული შრომები.

ფარსადან გორგიჯანიძე გადმოგვცემს: «შაჰ-აბას ყაენს ცოლად ჰყვანდა და ნამეტნავად უყვარდა ანდუყაფარ ამილახორის დაჲ თამარი» (გვ. 27). ანდუყაფარ ამილახორი იყო გამაჰმადიანებული ფეოდალი, ერთგული და მოყმე სპარსელებისა. მას ცოლად ჰყავდა შვილი ყორჩიბაშისა, შვილისშვილი შაჰ-აბაზისა, ცოლისდაჲ სვიმეონ მეფისა. ერთ დროს ის ოჯახობით, გიორგი სააკაძის ბრძანებით, დატყვევებული იყო არშის ციხეში. სხვა წყარო ამ ცნობისა დღესდღეობით არ ჩანს. არ ჩანს სხვა წყარო იმავე გორგიჯანიძის არც მეორე ცნობისა: 1592 წელს ხონთქარს ამბავი მოუვიდა, რომ შაჰ-აბაზმა «ნეთის სვიმონის ქალი შეირთო, ფახრიჰ-ჯან ბეგუმი, ცოლადო» (გვ. 16).

შაჰ-აბაზს ცოლად ჰყოლია აგრეთვე და კახეთის მეფის თეიმურაზ პირველისა. უკანასკნელი ერთს თავის ნაწარმოებში წუთისოფელს უჩივის: «დამიკარგე ძე, ასული. ძმა, არ ვიცი და სად აგე» (თეიმურაზ I, გამ. ა. ბარამიძისა, გვ. 110, სტრ. 85). ის თითქოს თვით თეიმურაზს გაუგზავნია, დედასა და შვილთან ერთად, შაჰისათვის. 1618 წელს თეიმურაზი სწერს მოსკოვის მეფეს მიხეილ თეოდორეს ძეს: «შაჰ-აბაზმა მთხოვა ცოლად ჩემი და, დავით მეფის ასული, და დამპირდა—მოვინათლებიო» (М. Поляевктов, стр. 44). უკანასკნელი ამბობს: «და აწ მისრულმან შესძღვნა შაბაზს დაჲ თვისი» (გვ. 174-175). ეს მომხდარა მაშინ, როდესაც თეიმურაზი ეახლა შაჰს პირველი ცოლის გარდაცვალების შემდეგ, 1611 წელს. თეიმურაზის ამ დას, რომელიც 1604 წელს 12 წლის ყოფილა (С. Белокуров, стр. 492), სახელად ჰრქმევია ელენე. აღნიშნულ წელს რუსი ელჩები ეუბნებიან ქართლის მეფეს გიორგის: «იი ახლაც (и ныне) ყიზილბაშის შაჰმა წაჰგვარა ალექსანდრე მეფეს (კახეთისას) შვილისშვილი, დავით მეფის ასული.... გააუპატიურა ის და შემდეგ უკანვე დააბრუნაო» (С. Белокуров, стр. 500). კახთა მეფის დავითის ასული არის, ეკვი არაა, თეიმურაზის და; ეკვი არაა აგრეთვე, რომ რუსი ელჩები სწორედ ამ დას გულისხმობენ, ელენეს, რადგანაც მეორე და თეიმურაზს თითქოს არ ჰყოლია. ალბათ ეს ბედშავი ქალი ჯერ 1604 წელს იყო გაგზავნილი შაჰთან, რომელმაც 1611 წელს მეორედ მოითხოვა ის.

არაა მართალი ან. ფურცელაძე, რომელიც ირწმუნება, რომ ეს ქალი შემდეგ შაჰმა მისცა ცოლად ლორისტანის ვალსო (გვ. 165). ლორისტანის ვალს მისცეს არა და თეიმურაზისა ელენე, არამედ ასული მისი თინათინი, რომელიც ცოლად ჰყავდა შაჰ-სეფი ყაენს (ფარსადან გორგიჯანიძე, გვ. 36). ამის შესახებ ანტონ კათოლიკოზი ამბობს: «ესე ქეშმარიტად ვუწყი, ვითარმედ წარიყვანა ქალი იგი შაჰმა და ჰყვა ცოლად და შემდეგ მისცა ვალსა ლორისტანისასა, რომელიც, მგონიეს, ვითარმედ ახსოვდა იგი მცირედრე

¹ მართალია, ანტონი ამ შემთხვევაში გულისხმობს არა ელენეს, არამედ თეიმურაზის ასულს თინათინს, მაგრამ, როგორც დავინახავთ, ეს სწორი არაა.

დედასა ჩემსა სიკვრივესა შინა მისსა მოხუცებული ფრიადა (საქართ. სამოთხე. გვ. 592). თეიმურაზის და ელენე, ტიმოთე გაბაშვილის ცნობით (მოხილვა. გვ. 157), შემდეგში (ალბათ სადედოდან თავის დახწევის შემდეგ) იერუსალიმში შემონახვებულა ელისაბედის სახელით და აუშენებია იქ მონასტერი წმ. ნიკოლოზის სახელობისა¹.

უფრო მეტი ცნობა მოგვეპოვება ლუარსაბ მეფის დის შესახებ, რომლის თავდადასავალს ჩვენი წყაროები ამა თუ იმ სახით უკავშირებენ ქართველთა ტრაგედიას მეჩვიდმეტე საუკუნის პირველ მეოთხედში. ამ ქალის შესახებ ჩვენს წყაროებში დიდი უთანხმოებაა.

ჯერ ვიკითხოთ, რამდენი და ჰყავდა ლუარსაბს? ამ საკითხზე წყაროები სხვადასხვა პასუხს იძლევიან.

ფარსადან გორგიჯანიძე გვაუწყებს, რომ გიორგი მეფეს «ორი ქალი ჰყვანდა», ერთს ერქვა ლელა, მეორეს ხვარეშანიო (გვ. 20). ამ ცნობას მხარს უჭერს მოკლე რედაქცია ლუარსაბის მარტვილობისა, სადაც ვკითხულობთ: გიორგი ჩეფესა და მის ცოლს თამარს «დაშთეს ყრმანი ორნი და ასულნი ორნი» (ხელნ. A 130, გვ. 287, 176 გვ. 151, ა 3269, გვ. 235)². ასეთივე ცნობა ზოგოვება ბერი ეგნატაშვილსაც: «და დარჩა ორი ასული, სატრფიალო და შვენიერი, ერთსა ერქუა ხორაშან და მეორესა თინათინა» (გვ. 113). ბესარიონ კათოლიკოზიც ლუარსაბის მარტვილობაში ამბობს: «ესე მარტოჲ (ლუარსაბი) ესკათ ორთა ასულთა თანაჲ, რომელთაგან აპირველსა ეწოდა ელენე და უმრწინესსა ხუარანშაჲ» (გვ. 408). ვახუშტიც ორს მხოლოდ ასულს გულისხმობს, რომელთაგან ერთს ეწოდება თინათინ, მეორეს ხვარეშან (გვ. 53, 57, 174 175). ასევე ორს დას, ელენესა და ხვარეშანს, გულისხმობს ანტონ კათოლიკოზიც (საქართ. სამოთხე, გვ. 590). იოანე ბატონიშვილიც თავის «ისტორიანია» ორი დის შესახებ ლაპარაკობს, ერთს ჰრქმევია ელენე, მეორეს ხვარეშან.

აიბრეგად, როგორც ვხედავთ, ყველა არსებული და დღესდღეობით ცნობილი წყარო მხოლოდ ორი დის შესახებ ლაპარაკობს. ანტონმ გაუგებარია, საიდან შეიტყვეს მ. საბინინმა (საქართ. სამოთხე, გვ. 581, შენ. 2) და ანტონ ფურცელაძემ (გვ. 264, შენ. 1), რომ ლუარსაბს სამი და ჰყავდა: ელენე, ხვარეშან და თინათინ?

როგორც ზემოთ დავინახეთ, ლუარსაბის ორს დას წყაროებში ეწოდება: ლელა-ხვარეშან (გორგიჯანიძე), ელენე-ხვარეშან (ლუარსაბის მარტვილობა ა 3269, ბესარიონ და ანტონ კათოლიკოზები, იოანე ბატონიშვილი), თინათინ-ხვარეშან (ეგნატაშვილი, ვახუშტი). ამ ცხრილში ხვარეშანი საერთოა, ლელა და ელენე სანართლიანად ერთსა და იმავე პირადაა მიღებული (ან. ფურცელაძე, გვ. 61, 104, 183 შენ. 1, 264), დარჩა, მაშასადამე, თინათინ, რომელიც ბესამე დად არის მიღებული. ეს თინათინ, ა. ფურცელაძის სიტყვით, თითქოს, ძმასთან ერთად, რომელსაც დავითი ერქვა, გიორგი მეფის

¹ А. Цагарели. Памятники грузинской старины в св. Земле и на Синае, стр. 120.

² ამ რედაქციას გამოცემაში, რომელიც მ. საბინინს ეკუთვნის, «ორნი-ს მავიე» ბრჭყალებში რედაქტორის მიერ ჩასმულია «საინი» (საქართ. სამოთხე, გვ. 581).

მიერ გაგზავნილი იყო ოსმალეთში დატყვევებულის სიმონ მეფის გამოსახსნელად, იქვე დარჩა და გარდაიცვალა (გვ. 103 შენ. 1, 264 შენ. 1, 406). მაგრამ ასეთი რამ არც ერთმა წყარომ არ იცის, კერძოდ არ იცის ფარსადან გორგიჯანიძემ, რომელიც საგანგებოდ აღნიშნავს დავითის სტამბოლს წარგზავნას (გვ. 20), არც პარიზის ქრონიკის ავტორმა. ვფიქრობთ, ან. ფურცელაძემ ასეთი დასკვნა გააკეთა გიორგი მეფის სიტყვების საფუძველზე რუსი ელჩების მიმართ: «მამა ჩემმა თავი შეაღწია ოსმალთა და ყიზილბაშთა წინააღმდეგ ბრძოლას, ამჟამად ის ოსმალთა ტყვეობაში იმყოფება და მასთან ერთად ჩემი შვილებიც» (С. Белокуров, стр. 498). მაგრამ ამ სიტყვების სიზუსტე საეჭვოა, ყოველ შემთხვევაში 1605 წელს, როდესაც აღგილი აქვს ამ საუბარს, სვიმონ მეფე უკვე მკვდარია.

საიდან გაჩნდა მაინც ეგნატაშვილისა და ვახუშტის თინათინი? ვახუშტის წყარო ეგნატაშვილია, ხოლო უკანასკნელს, ექვი არაა, ლუარსაბის დადგენილი თინათინად შეცდომით მიუღია თეიმურაზ პირველის ასული თინათინი. ამ თინათინის შესახებ ყოფილა ცნობა, რომ ის ცოლად ჰყავდა შაჰ-აბაზს; ანტონ კათოლიკოზი ქეთევანის მარტვილობაში ამბობს: «არა ვუწყი მართალი, თუ რომლითა მიზეზითა ანუ ოდეს წაართუა თეიმურაზს შაჰ-აბაზმან ასულიცა თინათინი» (საქართ. სამოთხე, გვ. 592). ეს ცნობა მცდარია, თეიმურაზის ქალი თინათინი ცოლად ჰყავდა არა შაჰ-აბაზს, არამედ შაჰ-სეფი ყეენს, რომელმაც ის თეიმურაზმა გაუგზავნა 1639 წელს, ეს დანოწმებულია კატეგორიულად ფარსადან გორგიჯანიძის მიერ (გვ. 36, ვახუშტი, გვ. 185). შაჰ-სეფის შემდეგ ის მიუცია, როგორც ანტონ კათოლიკოზი აცხადებს (საქართ. სამოთხე, გვ. 592). ლორისტანის ვალისათვის¹.

ამრიგად, საკითხი თინათინის შესახებ იხსნება და გვჩვენებს ორი და ლუარსაბისა: ბვარეშანი და ლელა-ელენე. მეორე დის ნამდვილი, ქრისტიანული სახელი არის, როგორც ეს რუსი ელჩების მიერაც დამოწმებულია, ელენე, მეორე მისთვის შეურქმევიათ ლელა, რომელიც ბგერულად ძლიერ ახლოა ელენესთან.

რომელი იყო მათ შორის უფროსი? გორგიჯანიძის მოწმობით, უფროსი იყო ლელა (გვ. 20); ამასვე გადმოგვცემს ლუარსაბის მარტვილობის როგორც სრული (ბესარიონ კათოლიკოზის), ისე მოკლე (§ 3269) რედაქცია, სამაგიეროდ სხვა წყაროები: ლუარსაბის მარტვილობის საბინინისეული რედაქცია (საქართ. სამოთხე, გვ. 581), ვახუშტი (გვ. 175) და ანტონ კათოლიკოზი (საქართ. სამოთხე, გვ. 590) უფროსად სთვლიან ბვარეშანს.

საფიქრებელია, რომ ლელა ან ელენე მართლაც უფროსი იყო; სჯამე ასეა, რომ 1605 წელს. მოსკოვის ელჩებთან მოლაპარაკების დროს, ბორის გოდუნოვის სარძლოდ სწორედ ელენე იყო გამოთხოვილი, ალბათ იმ მოსაზრებით, რომ ის ასაკით უფროსი იყო. მართლაც, რუსი ელჩები კითხულობ-

¹ ეს თინათინი, ანტონ კათოლიკოზის ცნობით (საქ. სამოთხე, გვ. 590), თეიმურაზს ჰყავდა პირველი ცოლისაგან; თუ ეს ასეა, ის დაბადებული იქნება არა უგვიანეს 1610 წლისა. რუსი ელჩის ცნობით, ეს ქალი თითქმის შაჰ-აბაზ მეორეს დაუბრუნია (Исцольство князя Мамеукоро, 176).

ბენ: ასურს თუ არა გიორგი მეფეს გაუგზავნოს უფროსი ქალი (нояшную царевну) რძლად მოსკოვის მეფესო? (С. Белокур, стр. 470).

აი ეს ელენეა ის ლელა ბატონიშვილი, რომელიც «არჩილიანშია» მოხსენებული. როგორც რუსთა ელჩების მოხსენებიდან ჩანს, 1604 წელს ის ათის წლისა ყოფილა (С. Белокур, стр. 495, 498); ის ცოლად უნდა შეირთო ბორის გოდუნოვის შვილს თეოდორეს. მართალია, დამოყვრება ქართველებისა რუსებთან ამ გზით არ მოხერხდა სხვადასხვა მიზეზის გამო, მაგრამ ასეთი სურვილი მაჩვენებელი იყო ქართველთა პოლიტიკური მიდრეკილებისა რუსეთისადმი, რაც ასე აშინებდა სპარსელებს, კერძოდ შაჰ-აბაზს. ამიტომ ადვილი გასაგებია, რომ, რუსებისაგან დაშორებისა და სპარსეთთან დაახლოებისა და დაკავშირების ღიზნი ი, რუსთა სარძლოდ სახელდებული ელენე შაჰ-აბაზმა თვითონ შეირთო ცოლად და «ფათმან სულთან ბეგუმ დაარქვა» (თარ. გორგიჯანიძე, გვ. 20, პარიზის ქრონიკა, გვ. 27).

არსებობს ცნობა, თითქოს ეს ქალი შემდეგში შაჰ-აბაზს მოეშორებოდა ცოლად და მიეცეს ცოლად კახეთის გამგის ფეიქარ-ხანისათვის. 1623 წელს, აჯანყების სამზადისში, ის თითქოს გიორგი სააკაძემ აღუთქვა ცოლად ზურაბ ერისთავს სპარსეთში განწირული მისი შეუღლის სანაცვლოდ. მართლაც, არჩილ მეფის «თეიმურაზიანითა», გიორგი სააკაძე ეუბნება ზურაბს: «ცოლს უკეთესსა გიშოვნო, ბატონიშვილსა ლელასა» (594). ბერი ეგნატაშვილი გადმოგვცემს: «გამარჯულებულნი ქართველნი წარვიდნენ ფეიქარ-ხანს ედ, რომელი იყო კახეთს. რამეთუ ამას ფეიქარ-ხანს ჰყვანდა ცოლად ბატონიშვილი ლელა. და უნდოდათ დასხმოდნენ თავსა ფეიქარ-ხანს და ისე მოეცლათ და ბატონიშვილი ლელა განოერთმიათ და ზურაბ ერისთავისათვის მიეცათ. და რა წარვიდნენ, მაშინ იგრძნა ფეიქარ-ხან და წარვიდა გაქცეული. გაძოუდგნენ და სიძივეს ბარდამდი და ველარა მოეწივნენ» (გვ. 153 - 154).

ვახუშტის სიტყვით, ფეიქარ-ხანის ცოლი იყო არა ლუარსაბის და (შაჰ-აბაზის ნაცოლარი), არამედ და ბაგრატ მეფისა (1615--1619 წ.), ასული დაჟოთ-ხანისა, სვიმონ დიდის ძმისა, რომელსაც აგრეთვე ლელა ერქვა (გვ. 12--13). ვის მზარეზეა სიმართლე? მართალია, არც არჩილი, არც ეგნატაშვილი არ ამბობენ, რომ ლელა ბატონიშვილი არის ლუარსაბის და, მაგრამ სიმართლე მაინც მათს ცნობაში უნდა გვეკონდეს. საქმე ისაა, რომ არჩილი «თეიმურაზიანის» სხვა ადგილას ადასტურებს, რომ ლელა ლუარსაბის და არის. დაბარცხებული ფეიქარ-ხანის დაღევენების ეპიზოდს ასეთი სათაური აქვს: «ბატონიშვილი ლელა უნდოდათ ეშოვნათ, მეფის ლუარსაბის და, ზურაბისთვის შეერქმათ, ველარ მიუსწრეს» (არჩილიანი, ტ. II, გვ. 70). უფრო კატეგორიულად ამას იოსებ თბილელი ამბობს ღეიდმოურავიანში:

მან ცოლი დასთმო, ჩაიგდო სირცხვილად სრულად აოათა:

ვჰკადრე: უკეთეს შეირთავ შენთვის მწვე გასახარათა;

ლუარსაბ მეფის დის შერთვა შენთვის არს ეს საკმარათა (183).

ამასვე ადასტურებს ე. წ. პარიზის ქრონიკაც (გვ. 143). რასაკვირველია, არჩილისა და თბილელის ცოწმობა ამ შემთხვევაში უფრო მისაღებია, ვიდრე ვახუშტისა.

პარიზის ქრონიკის ცნობით, ეს ამბავი—ლელას თავიდან მოშორება და ფეიქარ-ხანზე გათხოვება,—მომხდარა ლუარსაბის სიკვდილის (1622 წ.) შემდეგ უმაღლეს: «ლუარსაბ გულაბის ციხეში შვილდის საბლით დაარჩევს და ლუარსაბ მეფის და ფათმა სულთან ბეგუმ ყაენის სახლით გამოიყვანეს და ფეიქარ-ხანს ზისცეს» (გვ. 43). მართლაც, თეიმურაზის ელჩი, მთავარეპისკოპოსი თეოდოსი, რომლისაგან 1624 წელს მოსკოვში გებულობენ, რომ ელენე ცოლად ჰყავს ფეიქარ-ხანს, საქართველოდან წამოსულა 1623 წლის მარტში (М. Полиевктов, стр. 62, 67), მაშასადამე მისი, ლელას, ფეიქარ-ხანზე გათხოვება 1622 წელს მომხდარა, ასე რომ 1623 წელს შეეძლოთ ზურაბისათვის აღეთქვათ მისი თავი.

თუ რატომ ან როგორ გაუშვა ეს ქალი შაჰ-აბაზმა, ამაზე 1624 წლის 24 მარტს რუსი კელარი ონიკე, რომელიც თეოდოსი მთავარეპისკოპოსის კარგად იცნობდა, იძლევა შემდეგს ცნობას: «А владеет-де ныне всею грузинскою землею шах. А посажен у него [в грузинской] земле начальной человек Вей-Кархан (=ფეიქარ-ხანი)... дал за него шах карталинова царю Юрьеву (=გიორგი) дочь Олену (=ელენე-ლელა). А первое был шах женился на ней сам. А выдал-де ее за то, будучи от нее порчи... (М. Полиевктов, стр. 67). მას შემდეგ, რაც შაჰმა სიცოცხლეს გამოასალმა ლუარსაბ მეფე, რომელსაც, წყაროების ცნობით, მისი და ლელა, ცოლი შაჰისა, რომდენადაც მოსახერხებელი იყო, ეხმარებოდა, შაჰი უკვე მას ველარ ენდობოდა; მას ჩავარდნა გულში შიში—არ გამაფუჭოს ლელამო, და მიუცია ის ფეიქარ-ხანისთვის. მეორე და ლუარსაბისა, ხვარეშანი, რომელსაც რუსები ეძახიან Христина-Кристина, Хотушен (М. Полиевктов, стр. 281, 299, 416). ცოლად შეირთო თეიმურაზ პირველმა. არსებობს ცნობა, თითქოს თავდაპირველად ის დანიშნული ჰყავდა არაგვის ფეოდალს ზურაბ ერისთავს, ნუგზარის შვილს. ფარსადან გორგიჯანიძისა (გვ. 20) და პარიზის ქრონიკის (გვ. 27) სიტყვით, ქალი (ხორეშანი) არაგვას ერისთვის შვილისთვის ნაქადები იყო. ფარსადან გორგიჯანიძე გადმოგვცემს, რომ ნუგზარ ერისთავს, რომელთანაც თავი შეათარა ლუარსაბისაგან სასიკვდილოდ განწირულმა გიორგი სააკაძემ, ლუარსაბის მოთხოვნაზე — მომეცი გიორგის თავიო, თავისა და სააკაძის სახელით შეუთვლია: «თქვენ მტრის ქნილობით ერთს ნაბოძები ქალი წაგვართვით და მეორეს ნათხოვნი ქალი დაგვიგდევიო» (გვ. 21). წინადადება — «ერთს ნაბოძები ქალი წაგვართვით», გულისხმობს იმას, რომ, შაჰ-აბაზის მოთხოვნით, ლუარსაბი იქულებული გახდა ხორეშანი «წაერთმია» ზურაბ ერისთავისთვის და თეიმურაზისათვის მიეტხოვებინა. ხოლო სიტყვები — «მეორეს ნათხოვნი ქალი დაგვიგდევითო», მიუთითებენ ლუარსაბის მიერ თავისი ცოლის, გორგიჯან სააკაძის დის, გაშვებას, რაც «მიგდებას» უდრიდა¹.

¹ საყურადღებოა, რომ ზურაბ ერისთავმა შემდეგში (ვახუშტით 1623 წელს) ცოლად შეირთო თეიმურაზის ქალი ნესტან-დარეჯანი, რომელიც, უნდა ვიფიქროთ, იყო ნაშობი აიროვლი ცოლისაგან. მართლაც, ის რომ მეორე ცოლის, ხვარეშანისაგან, ყოფილიყო ნაშობი, 1623 წელს იქნებოდა ათი წლის მაღლოდ. ამ ასაკში კი ქალის გათხოვება დაუშვებელი იყო.

ამისთან ერთად არსებობს ცნობა, თითქოს ამ ხვარეშანის შერთვა გახდეს რაზული ჰქონდა თვით შაჰ-აბაზს. ჯერ კიდევ არჩილ მეფე ათქმევინებს თუი-მურაზიანში შაჰ-აბაზს:

ჩემი არის თეიმურაზ ძველითგანვე სისხლის მსმელი,
პაპა მისმა ქალი მამცა, რად წამართვა, რად მყო მელი? (491).

თეიმურაზის პაპას, ალექსანდრე მეფეს, რამდენადაც ვიცით, შაჰ-აბაზისათვის საკუთარი ქალი არ მიუცია, რომ თეიმურაზს ის მისთვის წაერთმია. იქნება ალექსანდრემ შაჰს მიჰგვარა, ჯერ კიდევ თეიმურაზის გამეფებამდე, მისი და ელენე, რომელიც მერე თეიმურაზმა უკან დაიბრუნა? მაგრამ ელენე, როგორც ზემოთ იყო ნათქვამი, თეიმურაზს კი არ დაუბრუნებია, არამედ თავიო შაჰს გამოუგზავნია უკან. თან, როგორც ნაჩვენები იქნება, «წართმეულად» ლუარსაბის და არის ნაგულისხმევი და არა თეიმურაზისა. შესაძლოა დაუგზავნათ შემდეგი: ალექსანდრე იყო ბიძა (დედით) ხვარეშანისა; იქნება იმან დადებითი როლი ითამაშა თავისი დისშვილის შაჰისადმი მითხოვების საქმეში, რომელიც მერე, თეიმურაზთან დამოყვრების გამო, არ განხორციელდა.

როგორც უნდა იყოს, ასეთი ცნობა მართლა არსებულა. ბესარიონ კათოლიკოზი ლუარსაბის მარტვილობაში გადმოგვცემს შემდეგს: ლუარსაბმა მისცა შაჰ-აბაზს ცოლად თავისი და ელენე, «ხოლო მან (შაჰ-აბაზმა) შენდგომად მცირედისა მეორისაცა დისა ჩისისა კელ-ყო ბოთხოვნად, რომელსა ეწოდა ხუარანშა, იგიცა ცოლად, რომელი ესე სასმენელადცა უცხო იყო ქრისტიანეთა შორისა, ამიტომ ლუარსაბი მცესეულად ემზახა კახთა მეფესა თეიმურაზს და მიათხოვა იგი ცოლად. (გვ. 410). ალბათ ამ იქტს შაჰ-აბაზი სთვლის თეიმურაზის მხრივ საცოლის «წართმევად».

არჩილსა და ბესარიონ კათოლიკოზს მხარს უჭერს ვახუშტიც, როდესაც ამბობს: შაჰ-აბაზს უნდოდა გაეგო, მისცემს თუ არა ცოლად ლუარსაბი თეიმურაზს თავის დას, «რომელი არა წარევიანა მას უხუცესი, არამედ უნოწამესი» (გვ. 175). ამავე ცნობის სასარგებლოდ ლაპარაკობს აგრეთვე ორი დოკუმენტი, რომელთაგან ერთი ანტონ კათოლიკოზს ეკუთვნის, მეორე ბატონიშვილს. ანტონი ქეთევან დედოფლის მარტვილობაში, ხოლო ბატონიშვილი «ქართლის ისტორიაში» გადმოგვცემენ:

ანტონი:

«მოსრულმან შაჰ-აბაზ ალვანად ქალაქსა, ზედწოდებულსა განძად. ჰკითხა გიორგი სააკაძესა, ვითარძედ: თქვენ შორის კაცსა ცოლ-წაგურილსა რაჲმე თანაძს? იტყვეს არაქელ ღიბედ, სომეხი ისტორიკოსი, ვითარმედ მიუგო გიორგი სააკაძესძემან შაჰ-აბაზს: გვგვითარი კაცი წარბგურელსა ცოლესა აა აღუთბრებს მამულსა, თუ საძმე ძალუძს შორეუნად, ჯა წარმოტყუენავს ყოველსავე მისსა და მოჰქლავსცა. ხოლო ჰრქვა ესენი გიორგი ამისათვის [რამეთუ] იცოდა, ვითარმედ თეიმურაზისათვის ჰკითხეს იგი, კახთა მეფისა. მიდგო შაჰ-აბაზ: მე ვარო, რომელსა წარბტაცა ცოლი თეიმურაზს (საქართ. სამოთხე, გვ. 591)».

იოანე:

ერთხელ შაჰ-აბაზმა ჰკითხა მასთან: ზელო სააკაძეს: «უკეთუ ვინმე თქვენგანმან მისცა ცოლს ვისმე ცოლი, ვითარ უკვე დასჯიან მას სჯული თქვენი? სააკაძემ უპასუხა: «ესევიცა არისა კაცისა სათანადო არს მოკლვისა და მოთხოვრება მამულთა მისთა და აკლეს. კათოლიკითა უკვე საცხოვრებელითა და იავარდითა მათი». მაშინ შაჰ-აბაზმა ჰრქვა: «უთმოდან საჯე, რომელ მეფემან თეიმურაზს გამომიცილა მფულე ჩემი, დაჲ მეფისა ლუარსაბისა, და მას წამგვარა დანიშნული ჩემგან».

მოყვანილად ცნობებიდან ისე გამოდის, თითქოს შაჰ-აბაზი და თეიმურაზი ერთსა და იმავე დროს თხოულობდნენ გიორგი მეფის ქალებს, და თეიმურაზმა და ლუარსაბმა, რომელთაც წინასწარ ჰქონდათ გადაწყვეტილი ერთმანეთს დამოყვებოდნენ. შაჰს, რაღაც მოსაზრებით, ხვარეშანი კი არ გაუგზავნეს, არამედ უფროსი და ლელა. მაგრამ შაჰსა და თეიმურაზს ერთსა და იმავე დროს არ შეუერთავთ გიორგი მეფის ქალები. ბერი ეგნატაშვილი ამბობს: რაჟამს გავეფდა პატარა ლუარსაბ, მაშინ სთხოვა ყეფ'მან შაბაზ და თვსი ცოლად, და მისცა და თვსი (გვ. 113). მაშასადამე, შაჰ-აბაზს ლუარსაბის და შეუერთავს უკანასკნელის გამეფების წელს, ესე იგი 1606 წელს, თეიმურაზმა კი ხვარეშანი შეირთო 1612 წელს. ეს ერთი.

ბერი: ლუარსაბსა და თეიმურაზს შორის ისეთი მახლობელი ნათესაობა იყო, რომ იმათ აზრად ვერ მოუვიდოდათ თავისი ნებით ერთმანეთს დამოყვებოდნენ. წყაროების გადმოცემით, ქორწინებით დამოყვრება მათ შეუძლებლად მიაჩნდათ, საჭირო გამხდარა საეკლესიო კრების საგანგებო კომპრომიზული ნებართვა (ჭეყნის ინტერესების მხედველობაში მიღებით), ისიც მას შემდეგ, რაც თეიმურაზმა სათანადო «საკანონო» გაიღო. ასეთს დამოყვრებას ისინი ვერ გაბედავდნენ იმიტომაც, რომ ორივენი ეძებდნენ კავშირს მართლმადიდებელ რუსეთთან, რომელიც დიდ ყურადღებას აქცევდა იმასაც, თუ როგორ იცავდნენ ისინი საეკლესიო წესებსა და კანონებს. რუსებს მართლაც მოეჩვენათ ამისათვის ყურადღება. 1637 წლის დოკუმენტში ვკითხულობთ: თეიმურაზ მეფეს მახლობელი ნათესავი ჰყავს ცოლად; როდესაც საქართველოში იყო იერუსალიმის პატრიარქი თეოფანე, მან მოინდომა მათი განქორწინება, მაგრამ მას შემდეგ, რაც მეფემა და დედოფალმა მას მისცეს ძვირფასი თვლებით შემკული ოქროს ბარძიმი და არამცირე ოქროს ფული, ნება ეცხვრა ეცხოვრათ წინანდებურად (М. Поженевнов, стр. 416). ერთი პიტყვით. ლუარსაბის და თეიმურაზის დამოყვრება მოხდა არა მათი საკუთარი სურვილით და წინასწარი განზრახვით, არამედ, როგორც წყაროებშიც არის აღნიშნული, ძალდატანებით, თვით შაჰ-აბაზის დაჟინებითი მოთხოვნისა და ბოძებების შედეგად.

ბესარიონ კათოლიკოზი სხვანაირად აშუქებს ამ ფაქტს. მისი სიტყვით, შაჰმა მოითხოვა ლუარსაბისაგან ცოლად მეორე მისი დაც და, რომ თავიდან შეცალდებინა ასეთი «ქრისტიანეთა შორის სასმენელად უცხო» ქორწინება (ერთი კაცის მიერ ორი დის ცოლად შერთვა), იმის ეშინება კახთა მეფესა თეიმურაზსა ლუარსაბი. მაგრამ რატომ მაინცდამაინც ახლო ნათესავს ეშინება ის, განა არ შეიძლებოდა ვინმე სხვისთვის მიეცა ეს ქალი? მერე, თუ შაჰისთვის ორი დის წაცემა აუცხო იყო სასმენელად ქრისტიანეთა შორის, ისეთი ჩათესავეების შეუძლებლობა, როგორიც იყვნენ თეიმურაზი და ხვარეშანი, კი იყო სმენილი ქრისტიანეთა შორის? რასაკვირველია, არა! ვიმეორებთ, ეს შეუძლებლობა მოხდა იმდროინდელით, შაჰის მოთხოვნითა და ძალდატანებით, მაშასადამე, ზედმეტია და შეუძლებელი ლაპარაკი შაჰის მხრივ მისთვის საცოლოს წაგვრა-წართმევა—შეცდოლაზე. მაგრამ იმ ადამიანისათვის, რომელიც, როგორც იტყვიან, «შარხეა

იყო და ყოველ მიზეზს ეძებდა თეიმურაზთან და ლუარსაბთან კონფლიქტის შესაქმნელად, ახეთი «შარია», რასაკვირველია, მოულოდნელი არაა.

სხვა საკითხია, თუ რატომ სცდილობდა შაჰ-აბაზი თეიმურაზისა და ლუარსაბის დამოყვრებას, მართლა «ზაკვითა», როგორც ზოგიერთი წყარო უწევნებს, თუ პოლიტიკური მოსაზრებით?

ახლა, ეს პატარა ექსკურსი რომ შევაჯამოთ, შევძღვს სურათს მივიღებთ:

1. შაჰ-აბაზს I ცოლად ჰყოლია ოთხი ქართველი ქალი: ა) ანდუყათა-ამილახორის დაჟ თამარი, ბ) მეფის სიმონის დაჟ ფახრიკ-ჯან ბეგუმი, გ) თეიმურაზ პირველის დაჟ ელენე, დ) ლუარსაბ მეფის დაჟ ლელა.

2. ლუარსაბ მეფეს ჰყავდა არა სამი, არამედ ორი და: ლელა და ხვარეშანი; ამათში უფროსი იყო ლელა.

3. ლელა თავდაპირველად უნდა შეერთო რუსთა მეფის, ბოჩოს გოდუნოვის, შვილს თეოდორეს, მერე ის გამოითხოვა შაჰ-აბაზმა, რომელმაც მას უწოდა ფათიან-სულთან-ბეგუმ.

4. 1623 წელს შაჰ-აბაზმა, გარკვეული მოსაზრებით, ის დაუთმო კახეთის მმართველს ფეიქარ-ხანს, რომლისათვის ის უნდა წაერთმია ზურაბ ერისთავს.

5. ხვარეშანი ჯერ უნდა შეერთო არაგვის ერისთავს ზურაბს, მეოც. 1612 წელს, ის შეირთო თეიმურაზ პირველმა შაჰ-აბაზის დაქინებითი მოთხოვნის შედეგად.

6. ყოველ საფუძველს მოკლებულია შაჰ-აბაზის ბრალდება, თითქოს ხვარეშანის შერთვა მას უნდოდა, მაგრამ თეიმურაზმა და ლუარსაბმა ის შეუცვალეს ან წაართვეს მას.

7. მცდარია ანტონ კათოლიკოზის ცნობა, ვითომც შაჰ-აბაზს ცოლად ჰყავდა აგრეთვე თეიმურაზის ასული თინათინი, ეს უკანასკნელი იყო ცოლი არა შაჰ-აბაზისა, არამედ შაჰ-სეფი ყაენისა.

სია პირველწყაროებისა

ლიტერატურული

1. «თეიმურაზიანი» არჩილ ჭეფისა (არჩილძანი, ტ. II, გამ. ა. ბარამიძისა და ნ. ბერძენიშვილისა).
2. «დიდმოურავიანი» იოსებ თბილელისა (გამოცემა გ. ლეონიძისა).

ისტორიული

3. ფარსადან გორგიჯანიძე, ისტორია (გამ. ს. კაკაბაძისა, ცალკე ამონაბეჭდი «საისტორიო მოამბისა II ტომიდან).
4. ბერი ეგნატაშვილი, ახალი ქართლის ცხოვრება (გამ. ი. ჯავახიშვილისა).
5. ლუარსაბ მეფის მარტვილობა: ვრცელი — ბესარიონ კათოლიკოზისა (გამ. ს. ყუბანეიშვილისა, ძველი ქართული ლიტერატურის ქრესტომათია, № 407—16), და ორი მოკლე: ა) საბინინისეული (საქართ. სამოთხე, გვ. 580—582, ხელნ. A 130. 176), ბ) ხელნაწერი S 3269.

6. ვაიშტაი. საქართველოს ცხოვრება 1469—1800 წ., მეორე გამოც. ზ. კიკინაძისა, 1913 წ.
7. ცხოვრება საქართველოსი, ე. წ. პარიზის კრონიკა, გამ. ზ. კიკინაძისა 1910 წ.
8. ანტონ კათოლიკოზი, წამება ქეთევან დედოფლისა (საქ. სამოთხე. გვ. 583—597).
9. იოანე ბატონიშვილი, ისტორია ქართლისა (კალმასობაში), ჯერ გამოუცემელი.

დამატებითი

10. მოხსენებანი მოსკოვის ელჩებისა და ქართველ მეფეთა მიწერ-მოწერანი რუსეთის მეფეებთან: ა) 1578—1613 წლებისა (С. Белокуров, Сношения России с Кавказом, Москва 1869 г.), და ბ) 1615—1640 წლებისა (М. Полиевктов, Материалы по истории грузино-русских взаимоотношений, Тбилиси, 1937 г.).

მონოგრაფიული ლიტერატურიდან უნდა დასახელებულ იქნეს ან. ფურცელაძის „ქორეგი სააკაძე და მისი დრო“, მეორე გამოცემა ზ. კიკინაძისა, თბილისი 1912 წ.

სტალინის სახელობის

თბილისის სახელმწიფო უნივერსიტეტი

ბეელი ქართული ლიტერატურის ისტორიის კათედრა

(შემოვიღა რედაქციაში 1948. IX. 15).